

Awe nochi Caribe lo bisti di gala na Biblioteca Nacional

ORANJESTAD – Por fin e dia tan spera dedica riba e topico cultural di Caribe a yega.

Ayera sr. Mirto Lacle kende ta promotor di e actividad aki hunto cu Biblioteca Nacional Aruba (ANA), Instituto Pedagogico Arubano (IPA) y Departamento di Cultura Aruba (DCA) a realisa un bishita di cortesía hunto cu sr. Pedro Ureña Rib. E ta embahador cultural di Republica Dominicana na Cuba, kende lo realisa e presentacion di e buki “El Caribe”, awe pa 7’or anochi na Biblioteca Nacional Aruba (Oranjestad). E ta un buki diki y bon documenta riba Caribe su artistanan, intelectualnan, etc... Sr. Lacle a recomenda e buki aki, el a bisa cu esaki ta un obra cu no mester falta den bo biblioteca personal.

E actividad aki cu un programa cultural masha varia den forma di canto, baile, obra, etc. organisa en conexion cu Dia Internacional di Derecho di Autor, cu ta wor-do celebra awe.

El a recorda cu Caribe a produci 12 premio nobel. Sr. Lacle lo haci referencia na Gabriel Garcia Marquez kende a fayece un aña pasa. El a bisa cu e dia aki ta im-



portante pa tur hende cu tin un talento sea scondi of habri pa bini comparti.

Programa

En conexion cu e fecha aki a wordo programa algo masha special pa Tata di Cultura, Juan Chabaya Lampe, cariñosamente “Padu del Caribe”. Padu ta un persona polifacetico cu a yega di skirbi bukinan di Metafisica tambe.

Sr. Lacle a bisa cu lo dedica henter un siman riba e topico

di e Caribe fei di diferente perspectiva cultural. E tema principal cu lo inspira e anochi aki ta e mahestuoso lama Caribe cu a bira testigo mundo di hopi acontecimiento historico manera e proceso colonizado.

Un di e perspectiva aki tin di haber cu e relacion Republica Dominicana y Aruba riba e parti literario y folklorico. Pa tal motibo sra. Ramona Campos Garcia compaña cu e percusion di Lisandro

“Tambora” lo realisa un presentacion cu su grupo folklorico di e danza indjan “Palo Limpio”.

E anochi cultural dedica na Caribe lo habri cu un pelicula bou e titulo “Sol Caribe”. Nan ta uza dos genero musical Dominicano, esta Merengue y Bachata pa muestra mundo loke ta parti di nan cultura. “Tur cos ta hancra den loke nos ta yama, Caribe”, sr. Lacle a bisa. Tur hende ta cordialmente invita! □